



„ჩინგური საქართულოა, სიმები ჩუნ ვაბთ ყულაბ“

ქობახეთი

გამოცემის 1923 წლის 1 მაისიდან

სენაკის მუნიციპალიტეტის თავისუფალი გაზეთი

2023 წელი • №11-12 (9553-54) • 1-31 ივლისი • ფასი 1 ლარი და 40 თეთრი

მუნიციპალიტეტის მერიამ

26 მაისი სენაკში

26 მაისის აღნიშვნა დილიდან სხვადასხვა სახის საზეიმო და შემეცნებითი ღონისძიებებით დაინიშნა. საქართველოს დამოუკი-

მოენყო სხვადასხვა სივრცე - გასართობი და საბავშვო ატრაქციონები; ადგილობრივი მენარმეების პროდუქციის გამოფენა/გაყიდვა;

მუნიციპალიტეტის საჯარო სკოლების მიერ ორგანიზებული ყვავილების ფესტივალი, სპორტული აქტივობები - მაგიდის ჩოგბურთში, ტაეკვანდოში, ძიუდოსა და მკლავჭიდაში, ტურნირი მინი ფეხბურთში, დამოუკიდებლობის დღეს მიძღვნილი ხელოვნების ცენტრთან არსებული შემოქმედებითი



ჯგუფების კონცერტი. მოსწავლე-ახალგაზრდობისა და კულტურის ცენტრის საკონცერტო დარბაზში ადგილობრივ შემსრულებლებს უმასპინძლა. მიხეილ ქურდოვანიძის სახელობის ჭადრაკის სახლში სენაკელი მოჭადრაკის, გოჩა ტყეზუაშვილის ხსოვნისადმი მიძღვნილი ტურნირი გაიმართა. სენაკის სახვითი ხელოვნების გალერეაში გამოიფინება ოქროს ფონდში დაცული ხელოვნების უნიკალური ფერწერული ნამუშევრები. ღონისძიებებს, ქალაქის ცენტრალურ პარკში, დასკვნითი კონცერტი - სოფო ბედიას, ელენე ფორჩუას, ბოკა კვეკვესკირისა და ლაშა თოლორდავას მონაწილეობით.

დებლობის დღისადმი მიძღვნილი ღონისძიებები სენაკის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის ორგანიზებითა და მუნიციპალური აიპების ჩართულობით გაიმართა. სანახაობრივად დატვირთულ ღონისძიებებს სენაკის მუნიციპალიტეტის მერი, ვახტანგ გადელია, საკრებულოს თავმჯდომარე, საბა ოდიშარია, მერის მოადგილე, ლევან ელიავა, საკრებულოს თავმჯდომარის პირველი მოადგილე, ლევან უჩაიანიძე და ადგილობრივი თვითმმართველობის წარმომადგენლები შეუერთდნენ. უამინდობის მიუხედავად, უიური შარტავას სახელობის ცენტრალურ პარკში

საზეიმო ღონისძიებებით აღინიშნა

ბავშვთა დაცვის საერთაშორისო დღეს სენაკში, საზეიმო და გასართობი ღონისძიებებით აღინიშნა. მუნიციპალიტეტის საბავშვო და ბავშვების აღსაზრდელებსა და პედაგოგებს მოსწავლე-ახალგაზრდობისა და კულტურის ცენტრმა უმასპინძლა, სადაც ტრადიციული საზეიმო კონცერტი გაიმართა.



ბავშვთა დაცვის დღისადმი მიძღვნილ ღონისძიებებს, სენაკის მუნიციპალიტეტის საკრებულოს თავმჯდომარე, საბა ოდიშარია, მუნიციპალიტეტის მერის მოადგილე, ლევან ელიავა, საკრებულოს თავმჯდომარის პირველი მოადგილე, ლევან უჩაიანიძე, საკრებულოს სამანდატო, საპროცედურო საკითხთა და ეთიკის კომისიის თავმჯდომარე, ირაკლი კალანდარიშვილი, ადგილობრივი თვითმმართველობის წარმომადგენლებთან ერთად შეუერთდნენ.

ქალაქის ცენტრალურ სკვერში, ხელოვნების ცენტრის სამხატვრო სკოლის მოსწავლეთა ნახატების გამოფენა, პლენერი და სახეზე ხატვა მოენყო. სულხან ცინცაძის სახელობის დიდი საკონცერტო დარბაზი, ხელოვნების ცენტრის სამუსიკო სკოლის მოსწავლეებსა და პედაგოგებს დაეთმო, სადაც თეატრული კონცერტი გაიმართა. ბავშვთა დაცვის საერთაშორისო დღეს მიძღვნილი ტურნირი - 7- დან 9 წლის ასაკის საფეხბურთო გუნდების შორის. ქალაქის ცენტრალურ პარკში მოენყო საბავშვო გასართობი ატრაქციონები და ქაფის შოუ.

აქტივობები სენაკის მუნიციპალიტეტის მერიის, განათლების, კულტურის, სპორტისა და ახალგაზრდობის სამსახურის და მუნიციპალური აიპების - სკოლამდელი აღზრდის გაერთიანების, ხელოვნების ცენტრის, მუნიციპალიტეტის საფეხბურთო კლუბის, მოსწავლე-ახალგაზრდობისა და კულტურის ცენტრების ორგანიზებით გაიმართა. (გაგრძელება მე-2 გვერდზე)



ქობახეთის ინტერვიუ „საქართველოში უნივერსალური მემორიალი“



ჩვენი სტუმარია სენაკის საპატრიოტო მოქალაქე, ფესტივალის დამაარსებელი და სამხატვრო ხელმძღვანელი, მსოფლიოში აღიარებული პიანისტი, პიანისტთა საერთაშორისო კონკურსების მრავალჯერ ლაურეატი, ხელოვნების აკადემიის რექტორი, ვალერიან შიუკაშვილი, რომელმაც ფესტივალის დღის წესრიგიდან გამოდინარე, გადატვირთული გრაფიკის მიუხედავად, ჩვენთან სსსს-ზე უბრუნდებიან, რედაქციის სახელით მადლობას ვუხდით მას გულწრფელი დიალოგისათვის

- * ქართულ კულტურას რეგიონები ასაზრდოებენ
- * ბავშვთა ფესტივალებს შორის პირველ ადგილზე დგას სენაკის ფესტივალი
- * მარტო ერთი ადამიანი ვერ აკეთებს ვერსად ვერაფერს
- * მიმართა, რომ ქართული მუსიკა იწყება მერველი „ნანათი“

ჩატარების. ნელ-ნელა დავინიშნებ მზადდება. გავიცანი ქალბატონი ირმა კუპრეიშვილი(მაშინ მუნიციპალიტეტის გამგეობის განათლების, კულტურის, სპორტის, ძეგლთა დაცვისა და ახალგაზრდობის საქმეთა სამსახურის უფროსი), რომელიც დიდი ენთუზიაზმით ჩაგვეერთო. პირველი ფესტივალი იყო სამეგრელო-ზემო სვანეთის ეგიდით, რომელმაც არაჩვეულებრივად ჩაიარა, ამან განაპირობა ფესტივალის გაფართოების სურვილი. წლების მანძილზე ყველაფერი არაჩვეულებრივად მიმდინარეობდა, ყველა ფესტივალი იყო და არის ძალიან დახვეწილი და კარგი. ვთვლი, რომ ფესტივალი უნდა დარჩეს აღნიშნულ ფორმატში, არავითარი სურვილი არ მაქვს გავხადო ის რესპუბლიკური ან საერთაშორისო, რადგანაც კონცერტები, რომლებიც საღამოს თეატრში იმართება, ისედაც საერთაშორისოა, რადგანაც მასში ბევრი უცხოეთიდან მონაწილე ხელოვანი მონაწილეობს. რაც შეეხება კონკურსებს, ის როგორც არის - ბავშვების მოსმენას უნდა დაეთმოს.

თავიდან ალბათ ამ ფესტივალს უფრო ჩემად აღვიქვამდი, ეხლა კი ვთვლი, რომ ის საქართველოსა... გამოდინარე იქიდან, რომ ყოველწლიურად ემატება და ემატება ფესტივალს ბავშვები, ყოველწლიურად ჩამოდინარე უფრო მეტი სკოლები, რეგიონები. უფრო მეტსაც გეტყვი, არის მუსიკალური სკოლები, სადაც მშობლებს შეილება შეჰყავთ იმისათვის, რომ შემდეგ წელს სენაკის ფესტივალზე მიაღებინონ მონაწილეობა და ეს არ არის ჩვენი მუსიკოსებისა და სენაკის სამუსიკო სკოლის დიდ წარმატება?

10 წელი განვლილი გზის შესაჯამებლად სოლიდური პერიოდი, როგორ შეაფასებდით ფესტივალის მოღვაწეობის ამ მონაკვეთს?

ზოგადად არ მიყვარს სხვაზე საუბარი იმ კონტექსტში, რომ ცუდი პროფესიონალი ან ცუდად ასრულებს თავის სამუშაოს. მე ვაკეთებ ჩემს საქმეს. ვიცი ჩემი მინუსები და ძალიან კრიტიკულიც ვარ საკუთარი თავის მიმართ, მაგრამ თამამად შემიძლია ვთქვა, რომ საქართველოში არსებულ ბავშვთა ფესტივალებს შორის პირველ ადგილზე დგას სენაკის ფესტივალი. მსგავსი არ არსებობს. ეს არ არის მარტო ჩემი დამსახურება, ეს ქალბატონ რუსუდანი, მთელი სკოლის, მერიის, საკრებულოს... დამსახურებაა. კი შიგნით არის ხოლმე მომენტები, რომ ვილაცამ რაღაცა თქვა და ა.შ. მაგრამ ეს პროცესის თანამდევია და ბუნებრივი. მსგავსი მარტო აქ არ ხდება. მაგრამ მთავარი ისაა, რომ ფესტივალში დიდი შრომაა ჩადებული, დიდი ძალისხმევა. ამიტომაც ასეთი ფესტივალი საქართველოს მეორე არაა აქვს. ამაში თქვენც დამეთანხმებით და თუ ვინმეს არ სჯერა, უნდა მითხრას, რომელია მასზე უკეთესი.

როგორ არ უნდა ვუმადლოდე ამისათვის ქალბატონ რუსუდანი მილიუტინს, ვეფხვია ვეფხვაძეს, აი, მთელ ამ კოლექტივს. ფესტივალის წარმატება არ არის მარტო ჩემი დამსახურება. ჩემი სახელის გამო შეიძლება შეილი ერთხელ ჩამოიყვანონ ფესტივალზე, მაგრამ მეორედ, მესამედ უფრო მეტი რომ მოდიან? ეს უკვე ამათი დამსახურებაა. ძალიან დიდი მნიშვნელობა აქვს იმას, თუ როგორ დაგვხვდებიან მასპინძლები, რამდენად შეგიქმნიან კომფორტს, როგორ გაგაცილებენ... სწორედ აქედან ჩნდება სურვილი ისევ და ისევ ჩამოსვლის.. დამერწმუნეთ, მარტო ერთი ადამიანი ვერ აკეთებს ვერსად ვერაფერს.

ადრე, წლების წინ ერთ-ერთ ინტერვიუში ამბობთ: ფესტივალის ყოველი დღე ჩემთვის აღმოჩენა, მიღწევა და წარმატება იყო - დღეს რას გვეტყვით ამ კუთხით?

თქვენი მიმართება მეგრულ-მუსიკალურ ფოლკლორთან

მე რომ მეგრული „ნანა“ მესმის, ან „ვაგიორქო მა“, არ ვიცი რატომ მომდის ცრემლები. ორ რაღაცაზე მეგრულ „ნანას“, „ვაგიორქო მა-სა“ და „ქუთაისო ჩემო, ჩემო დედუღეთოზე“ მემართება ასე. ეს უბრალოდ ხომ არ ხდება? ჩემს წარმომავლობაში 8 სხვადასხვა ხაზი იკვეთება, რომელთა შორის მეგრული არ არის, რომელსაც ძალიან ვენახობ. მიმართა, რომ ქართული მუსიკა იწყება მეგრული „ნანათი“ „კოლხეთი“ 100 წლის შესრულდა, რა შეგიძლიათ გვითხროთ მასზე? არ არსებობს, რა არის მინც სენაკი, სასწაულებს ახდენს. ქედს ვიხრი 100 წლის გაზეთს წინაშე. პირველ რიგში თქვენ გადაგიხდით მადლობას, რომ ასე უფროსილდებით საუკუნოვან გაზეთს და იმათაც, ვინც ასე წლის მანძილზე ემსახურა მას. როდესაც ბეჭდურ მედია ასე წლის ხდება, ეს არის ძალიან საპატივსაცემო. ვულოცავ თითოეულ თანამშრომელს საიუბილეო თარიღს და ვისურვებდი, რომ ჩვენი ფესტივალიც იყოს ასეთი სიცოცხლისუნარიანი და მისი 100 წელიც გვეზეიმოს.

ინფო სართანი

სამუშაო შეხვედრა

სამეგრელო-ზემო სვანეთის სამხარეო ადმინისტრაციაში, საძოვრების მდგრადი მართვის ეროვნული პოლიტიკის კონცეფციის დოკუმენტის განხილვა გაიმართა.

ლიც დაარეგულირებს საძოვრების მართვის საკითხებს. შემუშავებული დოკუმენტის მიხედვით, მოხდება საძოვრის სტატუსების კანონით განსაზღვრა; ასევე, სახელმწიფო-



აღნიშნული დოკუმენტი, მინის მდგრადი მართვისა და მინათსარგებლობის მონიტორინგის ეროვნული სააგენტოს თავმჯდომარემ, გიორგი მიშელაძემ, სამეგრელო-ზემო სვანეთის რეგიონის სახელმწიფო რწმუნებულის პირველმა მოადგილემ, ნინო ვიბლიანმა, გარემოს დაცვისა და სოფლის მეურნეობის სამინისტროს, ადგილობრივი თვითმმართველობისა და კავკასიის რეგიონული გარემოსდაცვითი ცენტრის (REC Caucasus) წარმომადგენლებმა, ზუგდიდში გამართულ სამუშაო შეხვედრაზე განიხილეს. შეხვედრას სენაკის მუნიციპალიტეტის მერიის ადმინისტრაციული სამსახურის უფროსი, ნანა ზარანდია დაესწრო. გარემოს დაცვისა და სოფლის მეურნეობის სამინისტროს მიერ, ქართველი და საერთაშორისო ექსპერტების ჩართულობით მომზადებული დოკუმენტის მიზანი, საძოვრებით მდგრადი სარგებლობისა და საძოვრების დაცვის ერთიანი, თანმიმდევრული მიდგომის ჩამოყალიბებაა, რამაც უნდა უზრუნველყოს საძოვრებზე მინის დეგრადაციის პრევენცია და ბიომრავალფეროვნების შენარჩუნება. კონცეფცია წარმოადგენს საკანონმდებლო ინიციატივების საფუძველს, რომე-

სა და მუნიციპალურ საკუთრებაში არსებული საძოვრებით სარგებლობის რეჟიმების შემოღება, რაც გულისხმობს როგორც საერთო სარგებლობას, ასევე იჯარას. კონცეფციის თანახმად, მართვის მუნიციპალური გეგმების მიხედვით მოხდება საძოვრების იდენტიფიცირება, კლასიფიკაცია, ზონირება და სარგებლობის რეჟიმების დადგენა. საძოვრების საერთო სარგებლობის სისტემა დაინერგება სასოფლო დასახლებების ახლომდებარე საძოვრებზე. შეიქმნება მოსარგებლეთა გაერთიანებები და მათ სარგებლობაში გადაეცემათ სოფლის საძოვრები. დანარჩენი საძოვრების გამოყენება შესაძლებელი იქნება იჯარით. „საძოვრების მდგრადი მართვის ეროვნული პოლიტიკის კონცეფციის“ დოკუმენტი შემუშავდა პროექტის „მინის დეგრადაციის ნეიტრალური ბალანსის (LDN) ეროვნული მიზნების მიღწევა დეგრადირებული საძოვრების აღდგენისა და მდგრადი მართვის გზით“ ფარგლებში ჩამოყალიბებულ უწყებათშორის სამუშაო ჯგუფთან კოორდინაციით, ეროვნული და საერთაშორისო ექსპერტების მიერ. პროექტის მხარდამჭერია გლობალური გარემოს დაცვის ფონდი (GEF).

მიმდინარე სამუშაოები



სენაკის მუნიციპალიტეტში, სტიქიის ობიექტების სარეაბილიტაციო სამუშაოების ნაწილი დასრულებულია. ქალაქად და სოფლად, დარჩენილი ობიექტების სარეაბილიტაციო სამუშაოები, ყოველდღიურ რეჟიმში აქტიურად მიმდინარეობს.

სენაკის მუნიციპალიტეტის მერი, ვახტანგ გადელია, საკრებულოს სივრცითი-ტერიტორიული დაგეგმარების და ინფრასტრუქტურის კომისიის თავმჯდომარესთან, გიგა წურნუმიასთან ერთად, მიმდინარე სარეაბილიტაციო სამუშაოებს სტიქიის შემდეგ ობიექტებზე გაეცნო: მშვიდობის ქუჩაზე (ნატოჩაოს უბანი) - კიუვეტის და ლელეზე ჯვბირების რეაბილიტაცია - ღირებულებით, 88 288 ლარი; მშვიდობის ქუჩის N56 და N58 საცხოვრებელ სახლებს შორის არსებულ ლელეზე ჯვბირების რეაბილიტაცია - ღირებულებით, 450 945 ლარი.

მუსიკალურ-ლიცეაზურული კომპოზიციის პრემიერა

დომიტრი ჯაიანის სახელობის სენაკის მუნიციპალიტეტის მოსწავლე-ახალგაზრდობისა და კულტურის ცენტრის სცენაზე, სენაკის მუნიციპალიტეტის მერიისა და ხელოვნების ცენტრის ერთობლივი პროექტის ფარგლებში, მუსიკალურ-ლიცეაზურული კომპოზიციის - „ორნი აქა იქ“ პრემიერა გაიმართა.



კომპოზიციის ინსცენირება და რეჟისურა ეკუთვნის რეგიონული თეატრების საერთაშორისო ფესტივალის გენერალურ მენეჯერს და მიხეილ თუმანიშვილის სახელობის კინომსახიობთა სახელმწიფო თეატრის მსახიობს, ბექა ჯუმუტიას;

მუსიკალური ხელმძღვანელი და გუნდის დირიჟორი - საქართველოს საგუნდო საზოგადოების სამეგრელოს ფილიალის ხელმძღვანელი, თბილისის სამუსიკო სასწავლებლის „ნიჭიერთა ათწლედის“ გუნდის ხელმძღვანელი, თბილისის ახალგაზრდული კაპელის დირიჟორი, შიო აბრახამია;

ავთანდილ გოგოტიშვილის სახელობის გაერთიანებული გუნდის ხელმძღვანელი, გულნაზი ქაჯაია; კონცერტმამისტერი, რუსუდან მილიუტინი;

მონაწილეობდნენ სენაკელი მოსწავლეები: უშანგი ჩიქობავა, ცოტნე კაცია, ლიზი დანელია, ანი ჩოჩია, მონიკა აბშილავა, ნინო ადამია, ნინო ფიჩხაია და სენაკის მუნიციპალიტეტის ხელოვნების ცენტრის სამუსიკო სკოლის აკადემიური გუნდი.

პრემიერას ესწრებოდნენ: მერიის განათლების, კულტურის, სპორტისა და ახალგაზრდობის სამსახურის უფროსი, გივი მისაბიშვილი, საკრებულოს თავმჯდომარის მოადგილე, ზაზა ნაჭყებია, სენაკის აკაკი ხორავას სახელობის პროფესიული სახელმწიფო დრამატული თეატრის სამხატვრო ხელმძღვანელი, ვახტანგ ნიკოლავა, ხელოვნების ცენტრის დირექტორი ვეფხვია ვეფხვაძე, ადგილობრივი თვითმმართველობის, თეატრალური სფეროს და საზო-

გადოების წარმომადგენლები. სენაკის მუნიციპალიტეტის მერიისა და სენაკის მუნიციპალიტეტის ხელოვნების ცენტრის ეს პროექტი პირველად ხორციელდება და მიზანად ისახავს ა(ა)იპ „სენაკის მუნიციპალიტეტის ხელოვნების ცენტრის“ სამუსიკო სკოლის საბავშვო გუნდის სამემსრულებლო დონის ამაღლებას, სამხატვრო-თეატრალური პროექტებისთვის ტრენინგების /მასტერკლასების ჩატარებას, კონკრეტული ლიტერატურულ - მუსიკალური კომპოზიციის პრეზენტაციას, სადაც წარმოჩინდება გუნდის მომღერალთა ვოკალურ-არტიკულაციური, სამეტყველო და სასიმღერო სპეციფიკის მიღწევები. პროექტის მეორე ეტაპის განხორციელება 2023 წლის მიწურულს არის დაგეგმილი.

„HELLADOS - გაკვეთილის“ პრემიერა

დომიტრი ჯაიანის სახელობის სენაკის მუნიციპალიტეტის მოსწავლე-ახალგაზრდობისა და კულტურის ცენტრის სცენაზე, აკაკი ხორავას სახელობის პროფესიული სახელმწიფო დრამატული თეატრის, მოსწავლე-ახალგაზრდობისა და კულტურის ცენტრის თეატრალური დრამატული ხელოვნების სკოლა-სტუდიის ერთობლივი პროექტის ფარგლებში, სპექტაკლი - „HELLADOS - გაკვეთილი“ პრემიერა შედგა. სპექტაკლში ასევე მონაწილეობა მიიღეს სენაკის მუნიციპალიტეტის ხელოვნების ცენტრის სამუსიკო სკოლის მოსწავლეებმა. „HELLADOS“ მწერალ ნოდარ დუმბაძის ერთ-ერთი მოთხრობაა, რომელიც ბერძენი და ქართველი ბიჭების განცდებზე, სამშობლოს, მეგობრის



სიყვარულსა და მათ ტრაგიკულ ხვედრზე გვიამბობს; კიდევ ერთხელ გვაფიქრებს იმ მარადიულ ღირებულებებსა და პრობლემებზე, რასაც ქართველი მწერალი თავის შემოქმედებაში ეხმიანება. „HELLADOS - გაკვეთილი“ თეატრალური დრამატული ხელოვნების სკოლა-სტუდიის ხელმძღვანელის, აკაკი ხორავას სახელობის პროფესიული სახელმწიფო დრამატული თეატრის სამხატვრო ხელმძღვანელის, რეჟისორ, ვახტანგ ნიკოლაავას საინტერესო, ინდივიდუალური ხელწერით გამოირჩეოდა. სკოლა-სტუდიის სამსახიობო ოს-

ტატობის პედაგოგი გახლავთ, მსახიობი, სოფი ჩალაშვილი; სასცენო მეტყველების პედაგოგი კი - მსახიობი, თამუნა აბშილავა-კობახიძე. პრემიერას სენაკის მუნიციპალიტეტის მერის მოადგილე, ლევან ელიავა, ადგილობრივი თვითმმართველობისა და საზოგადოების წარმომადგენლებთან ერთად დაესწრო. ეს იყო აკაკი ხორავას სახელობის პროფესიული სახელმწიფო დრამატული თეატრისა და მოსწავლე-ახალგაზრდობისა და კულტურის ცენტრის თეატრალური დრამატული ხელოვნების სკოლა-სტუდიის პირველი ერთობლივი ნამუშევარი, სადაც ახალბედა მსახიობებმა დასამახსოვრებელი და შთამბეჭდავი სახეები შექმნეს.

მასშტაბური სამუშაოები დასრულდა

საგზაო ინფრასტრუქტურის მოწყობა-რეაბილიტაციის ფარგლებში, ჭავჭავაძის ქუჩაზე, საგზაო ინფრასტრუქტურის მოწყობის მასშტაბური სამუშაოები დასრულდა. პროექტის ფარგლებში, 2 კილომეტრიან მონაკვეთზე დაიგო ორფენიანი ასფალტო-ბეტონის გზის საფარი. ჭყონდიდელის ქუჩიდან გაზის ყოფილ ტრესტამდე, ჭავჭავაძის ქუჩის რეაბილიტაციის პროექტის სახელმეკრულებო ღირებულება 244 824 ლარს შეადგენს.



სენაკის მუნიციპალიტეტის მერი, ვახტანგ გადელია, საკრებულოს სივრცითი-ტერიტორიული დაგეგმარების და ინფრასტრუქ-

ტურის კომისიის თავმჯდომარესთან, გიგა წურნუმიასთან, მერიის ზედამხედველობის სამსახურის უფროსთან, ედიკა ბერაიასთან, სივრცითი მოწყობისა და ინფრასტრუქტურის სამსახურის უფრო-

(გაგრძელება მე-3 გვერდზე)

„ხელოვნების საკვირბო სკოლის“ ფარგლებში



პროექტის - „ხელოვნების საკვირბო სკოლა“ ფარგლებში, ხელოვნების ცენტრის სამუსიკო სკოლაში, სახვითი (სივრცითი) და გამოყენებითი ხელოვნების მიმართულებით, შეხვედრა „მომავლის არქიტექტორები 2023“ გაიმართა. მოენყო პროექტში ჩართული სენაკელი ახალგაზრდების ნამუშევრების გამოფენა; ნარმოდგენილ იქნა ნახაზები, ნახაზების აპლიკაციები, შეუღლების ამოცანები, ნახატები - შავ-თეთრ გრაფიკაში და არქიტექტურული მკვეტები. პროექტს, სენაკის მუნიციპალიტეტის ხელოვნების ცენტრში, ხელოვნების პედაგოგი, მამუკა კუჭავა ხელმძღვანელობს. შეხვედრას სენაკის მუნიციპალიტეტის მერის მოადგილე, ლევან ელიავა, საკრე-

ბულოს თავმჯდომარის პირველი მოადგილე, ლევან უჩანეიშვილი, მერიის განათლების, კულტურის, სპორტისა და ახალგაზრდობის სამსახურის უფროსი, გივი მისაბიშვილი, საგანმანათლებლო რესურსცენტრის უფროსი, დარეჯან ზარანდია, ადგილობრივი თვითმმართველობისა და საზოგადოების წარმომადგენლები დაესწრნენ. პროექტი, რომელიც სენაკის მუნიციპალიტეტის მერიის მხარდაჭერითა და ხელოვნების ცენტრის ორგანიზებით ხორციელდება, მიზნად ისახავს სახელოვნებო განათლებისა და ხელოვნების დარგების პოპულარიზაციას, ნიჭიერი თაობის გამოვლენასა და მხარდაჭერას.

საქართველოს 30-ე ტურნირი



სენაკის სპორტის სასახლეში, სენაკის მუნიციპალიტეტის მერიისა და საკრებულოს მხარდაჭერით, გაიმართა საქართველოს 30-ე ჩემპიონატი კიკბოქსინგში. ჩემპიონატი, რომელიც სახვიმოდ 3 ივნისს გაიხსნა, საქართველოს ტაიბოქსის და კიკბოქსინგის ეროვნული ფედერაციის, მსოფლიო ჩემპიონის, საქართველოს დამსახურებული მწვრთნელის, საერთაშორისო კატეგორიის მსაჯის, ფედერაციის პრეზიდენტის, ჩვენი თანაქალაქელის, გოჩა ჯავახიას ორგანიზებით

ჩატარდა. ჩემპიონატი მონაწილეობა საქართველოს 14 მუნიციპალიტეტის 150-მდე სპორტსმენმა მიიღო. ჩემპიონატს, სენაკის მუნიციპალიტეტის საკრებულოს თავმჯდომარე, საბა ოდიშარია, მერის მოადგილე, ლევან ელიავა, საკრებულოს თავმჯდომარის პირველი მოადგილე, ლევან უჩანეიშვილი, საქართველოს ტაიბოქსის და კიკბოქსინგის ეროვნული ფედერაციის წარმომადგენლები და გულშემბატკიერები დაესწრნენ. სხვადასხვა ასაკობრივ კატეგორიაში გამარჯვებულ სპორტსმენებს, სიგელები, მედლები და თასები გადაეცათ.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება

იუბილარ გზებით

დაარსებიდან დღემდე ვინ იცის რამდენი დაბრკოლება გამოგივლია, ქვეყანაში მიმდინარე კატაკლიზმების, საქართველოს დამოუკიდებლობის მოპოვებისა და მის შემდგომ განვითარებული მოვლენების, მიმდინარე პროცესების ყურის მგდებელი ხარ. ამ ასი წლის მანძილზე ბევრის მანახელი ხარ და მომსწრე.

წლებია შენი აქტიური მკითხველი ვარ, მოუთმენლად ველოდები შენს ახალ ნომრებს. სამწუხაროა სტამბა განუკითხაობის დროს რომ დაგეწვა და დღემდე აღდგენილი არ არის.

იუბილარო, საყვარელო „კოლხეთო“, ხალხის კეთილდღეობისათვის ერთგული მაცნე ხარ, გილოცავ 100 წლის იუბილეს, გისურვებ შენი მომავალი ისტორია უფრო და უფრო კაშკაშა იყოს.

თქვენი მოყვარული სოსო ჯღამაძე

მოქალაქეების მიერ, როგორც უკუპარლიმენტო მოვლენა



გამორჩეული საზოგადო მოღვაწის, ერის მოსიყვარულისა და შესანატრი პროფესიონალის, ბატონ დემურ გადელიას რეგალიების ჩამოთვლა ცხადყოფს ამ ღვანდობილი ხელმძღვანელის პიროვნულ ღირსებებს.

სს. „არქეოპოლისის“ დამფუძნებელი და სამეთვალყურეო საბჭოს თავმჯდომარე, ეკონომიკის მეცნიერებათა დოქტორი, პროფესორი, ორი მონვევის პარლამენტის წევრი, ორგზის „ღირსების ორდენის“ კავალერი, წმინდა ნიკოლოზის ორდენის მფლობელი, „საქართველოს დამსახურებული მეგზვე“, სენაკისა და ზუგდიდის საპატიო მოქალაქე.

ყველაფერია თითქოს ნათქვამი. რა შეიძლება დაამატო? თუმცადა ჩემი განცდა და ფიქრი, მრავალი წლის მანძილზე მიღებული ემოციები მინდა ვაგიზიარო.

დემურ გადელია იშვიათი თვისებებითა შემკული, რომლის სულის სიმშვენიერე მისი გულის სარკმელში ჩანს.

თითქოს მისი მრავალწლიანი მოღვაწეობა ფერადი სურათებია, რომელიც აირეკლავს და წარმოაჩენს პიროვნებას.

როცა სურათს ხატავ და ქმნი, მუდამ მთავარია ფერები და გრძობები. ნახატის ფერები აღსაქმელად, როცა მახლობელია, ეს მუდამ აღგაფრთოვანებს. შეუძლებელია დემურ გადელიას პიროვნება არ მოგხიბლოს და აღგაფრთოვანოს.

ვერ ვიტყვი, რომ ადამიანებს (თავის მუშებსა და მოსამსახურეებს) ასწავლის შრომას, ქვევას და ტრადიციებისადმი პატივისცემას. არა, მაგრამ პირადი მაგალითით აძლიერებს შრომის კულტურას, ურთიერთდამოკიდებულების ნორმებს. უმძაფრებს სიყვარულსა და პატივისცემას კოლექტივისა და ოჯახის მიმართ.

არ უყვარს ფლიდი და ლაქუცა ადამიანები. მის გვერდით არ არის ადგილი უპასუხისმგებლო პირთათვის. ის რეალისტია, პრინციპული და მიზანმიმართული. გამოცდილების ულვეი მარაგით. მდგომარეობის შეფასების უზადო ნიჭითა და ადამიანებთან ურთიერთდამოკიდებულებით.

ოთახში მარტოდ შთენილი სანთელი შეიძლება უაზროდ ენთოს და ბოლომდე ჩაიწვას. ბატონი დემური თავისი მრავალმხრივი ნიჭიერებით ამტკიცებს, რომ უაზროდ ვერ დაინებება, მისი სიცოცხლის ლამპარი, ნათელი გონება სასარგებლო საქმეებისკენა მიმართული.

არა მხოლოდ სამეგრელოში, სადაც ცხოვრობს ბატონი დემური, არამედ დასავლეთ საქართველოშიც აგებს მშვენიერ გზებს, აშენებს და ქმნის ისეთ ინფრასტრუქტურას, რომელიც აუცილებელია ყოფილი ცხოვრების გასაუმჯობესებლად. მოსახლეობას უადვილებს მიმოსვლასა და საქმიანობას. ესმარება უპოვართ, ავადმყოფ ბავშვებსა და მოქალაქეებს, აშენებს და არემონტებს სალოცავებს, ეწევა სხვა სახის ქველმოქმედებებს. არასდროს ითხოვს ყოველივე ამის აფიშირებას.

ეს მისი ცხოვრების წესია, რომელიც მახედებს ამ უიშვიათესი ადამიანის სულიერ სამყაროში, მარწმუნებს, რომ მისებრ გამორჩეული

დაუდებელი მოჭიდავე, ნესტორ ესებუა. ამ სენაკელმა გოლიათმა ტოლი არ დაუდო არავის. მუდამ გამარჯვებულს ზეიმობდა შინაც, საზღვარგარეთაც. ბატონი დემურ გადელია ასევე გამარჯვებისთვისა დაბადებული. საზოგადოებრივი ცხოვრების ყველა ფორტზე, სადაც იღნვის პირწმინდად იგებს. ეს მან საინჟინრო-სამშენებლო თუ საპარლამენტო მოღვაწეობისას დამტკიცა.

ცალკე და გამორჩეულად შეფასების ღირსია მეცნიერ დემურ გადელიას ეკონომიკური წინადადებები და ხედვა სამეგრელოს ალორძინებისათვის, რომელიც რამდენიმე წინადადებით გამოიცა. ცნობილია, რომ საკუთარი პროექტი წინადადებების სახით შესთავაზა ხელისუფლებას. ეს ნაშრომები გახლავთ დახვეწილი მეცნიერული ხედვის მქონე ავტორის ნაღვანი, საქმეში გამობრძმედილი მკვლევარის ნაშრომი.

განმარტებას არ საჭიროებს, რომ მოღვაწე, რომელიც რეალობას საღად აღიქვამს, დროის შესაბამისად მოქმედებს, ირგვლივ მყოფთათვის სასარგებლოა, ის ჭეშმარიტი ერისკაცია. მისი კეთილად მომზირალი თვალები და მგრძობიარე გული კამკაშა ფერებთა სასე. ამგვარ პიროვნებას არ შეუძლია თავი მოიტყოს, რომ ირგვლივ ყველაფერი კარგადაა, არავის უჭირს და ტკივა. კარგად, ძალიან კარგად იცის ცხოვრება ბრძოლა ნუთისოფლთან, რომ როცა განსაცდელშია ადამიანი, ვიწორებ დემურ გადელია ბევრს გვერდით უდგას. მშველელია, ხელშემწყობია. მისთვის ამაზე დიდი ბედნიერება არ არსებობს.

აქ ღირსეული პოეტის, სახელმწიფო და რუსთაველის პრემიის ლაურეატის გენო კალანდიას ლექსის სტრიქონები მახსენდება:

„წავალ, დავდგები ფაზის ხიდზე, რომ ჩემი სისხლი წვეთი-წვეთ მოგცე, მომეცი ნება მიყვარდე ისე, როგორც უყვარდი მამულო ცოტნეს...“

ბატონ დემურ გადელია უკვე დგას ფაზისის ხიდზე. ნათელი და შინაარსიანი მოღვაწეობით ულვე სიყვარულს უძღვნის საქართველოსა და თანაქალაქელებს. მისი საქმიანობაში, მის ქვევაში სჩანს, რას ნიშნავს რწმენა, ღირსება, თავგანწირვა და პასუხისმგებლობა. მან გაითავისა უმთავრესი, თუ როგორ უნდა მიხვიდე ღმერთთან, რისთვის ღირს სიცოცხლე, რისთვის ღირს სიკვდილი. როგორ მოქექე მშობლების ხსოვნას. როგორ გამოავლინო შეილისა და შეილიშვილების სიყვარული. როგორ გამოხატო შენი მინის ტრფიალი.

იცის, რომ ბრძოლას მუდამ აქვს აზრი. 27 მაისი ბატონ დემურ გადელიას დაბადების დღეა. ვუსურვებ მას მხნეობასა და დიდხანს სიცოცხლეს, ქვეყნისა და საზოგადოების საკეთილდღეოდ.

პირის ღვთაია,
სენაკის საპატიო მოქალაქე-რამდენიმე ლიტერატურული პრემიის ლაურეატი, ღირსების ორდენისანი

საქართველოს რესპუბლიკა 59-60. ხუთშაბათი-კვირა, 25 მაისი, 2023 წელი

უნიკალური “ლონდონის საერთაშორისო-სამეცნიერო კონფერენცია”

დღეს გაზეთ “კოლხეთის” სტუმარი გახლავთ, ჩვენი ქალაქის მკვიდრი და სენაკის საპატრიო მოქალაქე, გაერთიანებული სამეფოს ორგანიზაციის ოქროსორდენოსანი, საუკეთესო ხარისხის მქონე გაერთიანებული სამეფოს პირველი ქართული სკოლის დამფუძნებელი და დირექტორი ქალბატონო ლიანა ჯიქია-გოგრიჭანი.

ქალბატონო ლიანა, ჩვენთვის ცნობილია, რომ თქვენ ხართ “ლონდონის საერთაშორისო-სამეცნიერო კონფერენციის” იდეის ავტორი. ხომ არ გვიამბობდით თუ როგორ გაჩნდა ეს იდეა.

უპირველეს ყოვლისა, მსურს გულმხურვალედ მივესალმო ჩვენი საყვარელი გაზეთი “კოლხეთის” მკითხველებს და მივულოცო მათ გაზეთის იუბილე და ვუსურვო, როგორც “კოლხეთის” მესვეურთ, ასევე გაზეთის ერთგულ მკითხველებს წინსვლა და წარმატებები.

რაც შეეხება ლონდონის საერთაშორისო-სამეცნიერო კონფერენციის იდეას, ის დიდხნის წინ გაჩნდა, როდესაც მრავალწლიანი მუშაობის შემდეგ მზარდები საქართველოს ისტორიაზე მიწოდებულ ინფორმაციას ეჭვისთვალთ ხვდებოდნენ, ვინაიდან საზღვარგარეთ დაბადებულ მოზარდებს არ გააჩნდათ არავითარი მტკიცებულებები არსებულ ფაქტთან დაკავშირებით და ვერც ოჯახი ვერ ეხმარებოდა მათ, ვინაიდან ქართული ისტორიულ-კულტურულ მემკვიდრეობაზე სახელმძღვანელო არ არსებობდა და არ არსებობს დღემდე.

აქედან გამომდინარე, გადაწყვიტე შემექმნა პროფესიონალთა და მეცნიერთა ჯგუფი, რომლის მიზანიც იქნებოდა:

ერთისმხრივ, გაეცნოთ საზღვარგარეთ მცხოვრებ ახალგაზრდებისათვის სამშობლო-საქართველოს რეალური ისტორია და მეორეს მხრივ, საზღვარგარეთ მყოფ ახალგაზრდებისთვის მიგვეცა ისეთი ცოდნის საფუძველი, რომ მათ შესძლებოდათ დამოუკიდებლად მოეძიათ, შეესწავლათ, როგორც ბიბლიოთეკებში, მუზეუმებში, ასევე, საზოგადო ქსელშიც არსებულ ფაქტებზე მსოფლიოში ცნობილ მეცნიერთა აზრი, შეესწავლათ, გაეცნოთ პარალელი მიღებულ ინფორმაციების მეშვეობით და განეგრძოთ.

ამ საკითხებზე დაინწყე მსჯელობა ჩვენი ქალაქის მკვიდრ, საქართველოს დამსახურებულ პედაგოგთან, ქალბატონ ლუარა ჯიქიასთან, რომელმაც დიდი ენთუზიზმით მიიღო ეს აზრი და განავრცო კიდევ, როგორც ნიჭიერმა და გამოცდილმა ფილოლოგმა და პედაგოგმა და ჩვენ გადაწყვიტეთ პროფესიული რჩევა გვეკითხა, ქალბატონი ეკა კარტოზიასათვის, რომელიც თბილისის სამეცნიერო საზოგადოება “პრომეთეოსის” ისტორია-არქეოლოგიის მიმართულების კოორდინატორი გახლდათ.

ქალბატონმა ეკამ მოიწონა და სიხარულით შეხვდა ამ იდეას და თავის მხრივ დაამატა და განავრცო ჩვენი სამომავლო პროექტი.

დავინწყეთ პროექტის იდეის გავრცობა, დავსახეთ სტრატეგიული გეგმა, სამომავლი მრავალწლიანი ხედვიდან გამომდინარე შემუშავდა კონფერენციის თემატიკა, დაიგეგმა ეროვნულ-კულტურულ-საგანმანათლებლო მიზნები, როგორც საზღვარგარეთ მცხოვრებ, ასევე საქართველოში მცხოვრებ მოზარდთათვის. შევქმენით კონფერენციის საორგანი-



ზინაციო სამუშაო გუნდი და დავინწყეთ პროფესორ მეცნიერთა დაინტერესებამოზიდვა. მათ სასიქადულოდ უნდა ითქვას, საქართველოს მეცნიერები შინ და გარეთ ერთსულოვნად და უსასყიდლოდ ჩაუდგნენ ამ ეროვნულ საქმეს და წლების მანძილზე განაგრძობდნენ ქართულ დიასპორასთან თანამშრომლობას პროფესიონალურად მაღალ დონეზე.

ქალბატონო ლიანა, თქვენ უკვე ლონდონის საერთაშორისო კონფერენციის ბოლო ეტაპზე ხართ. წარმოუდგენლად შრომატევადი სამეცნიერო გზის გავლით უახლოვდებით ფინალს. თუ შეიძლება გავგიზიაროთ, თუ ვინ არიან კონფერენციის დელეგატები და რამდენი ქართველი ახალგაზრდაა ამ პროექტით გაერთიანებული?

უაღრესად საინტერესო კითხვაა და სიამოვნებით გავგიზიარებთ ჩვენი სასახელო დელეგატების შესახებ ინფორმაციას.

ჩვენი კონფერენცია (2020-2023) ითვლის 240-მდე დელეგატს მსოფლიოს მასშტაბით, მათ შორის სხვადასხვა სახელმწიფოებიდან, ჩართულია რამოდენიმე ქალაქიც, როგორცაა: ამერიკა: ნიუ იორკი, იტალია: მილანი, ვენეცია, გერმანია: ჰანოვერი, ბერლინი, საბერძნეთი: სტავრო, ირლანდია: დუბლინი, ნიდერლანდები: ამსტერდამი, ესპანეთი: ვალენსია, რუსეთი: მოსკოვი, ინგლისი: ლონდონი, კენტი, საქართველო: თბილისიდან 2 ორგანიზაცია, რუსთავი-2, ბოლნისი, ქუთაისი-3, სენაკი-3, ბათუმი.

მსოფლიოს მასშტაბით, ამ კონფერენციის მონაპოვარია: 240 დელეგატი, 69 მეცნიერ-პროფესორის თანამშრომლობა,

კონფერენციის საფუძველზე შეიქმნა დოკუმენტური ფილმები, შვილობილი პროექტები: “ფესვები” და “მამულოშვილი”, რომლის აქტიური მონაწილენიც იყვნენ ჩვენი დელეგატები, აღმოცენდა და შეიქმნა ახალი სამეცნიერო ჯგუფების თანამშრომლობა და მრავალი სხვა.

ქალბატონო ლიანა, გვინტერესებს თქვენი გუნდის აზრი, თუ რამდენად გამართლა ამ კონფერენციამ თქვენ მიერ დასახული მიზნები.

ლონდონის საერთაშორისო-სამეცნიერო კონფერენციის ეროვნულ-კულტურულ-საგანმანათლებლო მიზნები ემსახურებოდა:

ქართული დიასპორის-საზღვარგარეთ მცხოვრებ და საქართველოს მოზარდებში ისტორიულ-კულტურული მემკვიდრეობის დაკარგული მახსოვრობის აღდგენას;

მშობლიური სამშობლო-საქართველოს ისტორიის შემეცნებას;

ქართული დიასპორისა და მეცნიერთა, თაობათა შორის მჭიდრო მეცნიერული ურთიერთობის დამყარებას;

გამოჩენილ მეცნიერთა კვლევების პოპულარიზაციას მსოფლიოში.

ჩვენი დელეგატები საოცარი ეროვნული სულიკვეთებით ჩაებნენ კონფერენციებში და მიღებული ცოდნის გავრცობა-გაზიარება დაიწყეს მასპინძელი ქვეყნების სკოლებში, თანატოლებთან, გააკეთეს პრეზენტაციები ჩატარებული კონფერენციის თემებზე, დააინტერესეს თანატოლები თავიანთი პრეზენტაციებით და როდესაც მათთა თანატოლებმა მოიძიეს და იპოვეს ინტერნეტ-სივრცეში ინფორმაციები საქართველოს უძველეს ცივილიზაციაზე და აღიარეს მათი სამშობლოს როლი კაცობრიობის განვითარებაში, ეს იყო უდიდესი გამარჯვება, როდესაც საზღვარგარეთ მცხოვრებმა ქართველმა მოზარდებმა სიამაყით დაიწყეს სამშობლოს ისტორიის ფაქტების გავრცობა.

მიზანი, თუნდაც ამ საწყის ეტაპზე მიღწეულად მიგვაჩნია, თუმცა ჩვენი ახალგაზრდები დღითიდღე იცვლებიან და ცოდნასთან ერთად თვითრწმენა და სამშობლოსადმი სიყვარული და პატივისცემა იზრდება.

მოსალოცი და მისასალმებელია ასეთ წარმატებული სამამულიშვილო საქმე. ქალბატონო ლიანა, აი, თქვენი უნიკალური კონფერენცია დასასრულს უახლოვდება საინტერესოა რა გაქვთ დაგეგმილი სამომავლოდ.

როგორც ყოველ წარმატებულ საქმეს, ამ ჩვენს წამოწყებასაც ძალიან საინტერესო დასასრული-საზეიმო დაჯილდოების ცერემონიალით ვამთავრებთ.

აღბათ ძალიან ძნელი იყო თქვენი საორგანიზაციო საბჭოსთვის დაჯილდოების ცერემონიალისთვის ადგილის შერჩევა. თუ შესაძლებელია გავაცანით თქვენი გეგმები.

მე პირადად დიდად ბედნიერი ვარ, ვინაიდან ეს სასიხარულო ინფორმაცია პირველად ჩვენი გაზეთი “კოლხეთის” გვერდზე გაზიარდება.

დაახ, არც ისე ადვილი იყო საზეიმო დაჯილდოების ცერემონიალის დაგეგმვა. მას ახლავს მრავალი ფაქტორები, რომლის გადაჭრა ერთდროულად შეუძლებელია, მაგრამ დაჯილდოებისთვის ადგილის შერჩევა ადვილი იყო. ვინაიდან კონფერენციის დაგეგმვის პროცესშივე იყო გათვალისწინებული, რომ კონფერენციის ფინალის ბოლოს დაჯილდოება თბილში ჩატარდებოდა.

ჩვენი საწყისი გეგმის მიხედვით ვემზადებოდით დაჯილდოების ცერემონიალისთვის, როდესაც საქართველოს მთავრობის მხრიდან გამოჩნდა დაინტერესება და შემოთავაზებაც.

საქართველოს საგარეო საქმეთა სამინისტრო დიასპორის დეპარტამენტთან ერთად აღმოჩნდნენ საზეიმო დაჯილდოების სამდღიანი პროექტის თანამდგომე-

ბი და აღგვიტყვეს დახმარება: ორდღიანი ექსკურსია კონფერენციის დელეგატთათვის, საზეიმო დაჯილდოების დარბაზი, სიგელები, დიპლომები, მედლები და სახელმწიფოს კუთხით მთავრობის ჩართულობა აღგვიტყვეს.

საქართველოს თვითეული წევრისთვის ფასდაუდებელია ის ფაქტი რომ მიელიან სამშობლოში და თუ კი მათ სიხარულით და ზემოთ ხედებთან მით უფრო სასიამოვნო და დაუვიწყარი იქნება.

მაღლობა საქართველოს მთავრობას მზაობისა და თანადგომისათვის, მზრუნველობისა და სითბოსათვის.

ქალბატონო ლია, თქვენ ახსენეთ სიგელები, დიპლომები, მედლები. თვითეული ზემო ჩამოთვლილიდან ვისთვისაა გამიზნული და რასთან დაკავშირებით ხდება ეს დაჯილდოება, ხომ არ აუხსნიდით ჩვენი გაზეთის მკითხველებს.

როგორც მოგახსენეთ კონფერენციის დასრულება დაგეგმილია 2023 წლის მაის-ივნისში. დაჯილდოების ცერემონიალი შედგება სამიანი ლონისძიებისაგან, პირველი და ორი აგვისტო დაეთმობა ესკურსიებს, რომლებიც სალექციო მასალებით და დოკუმენტური ფილმებით ნანახ განხილული მუზეუმების და არქეოლოგიური ადგილების ნახვას და გაცნობას მოიცავს.

დელეგატებისათვის დაწესებულია დაჯილდოების შემდეგი საფეხურები-კონფერენციის დელეგატების ნოდებ-უმალლესი ჯილდო, საქართველოს კულტურული მემკვიდრეობის საერთაშორისო ელჩი, აიელ რანდი, მაღალი ნოდების ჯილდო, საქართველოს კულტურული მემკვიდრეობის საერთაშორისო ელჩი და ა.შ.

ვაზუსტებთ ჩამომსვლელ დელეგატთა რაოდენობას, მაგალითად აშშ წარმომადგენს მინიმუმ 16 დელეგატს, ინგლისი 16 დელეგატს და ა.შ.

ჯილდო იქნება 9 სმ დიამეტრის სპილენძ-ბრინჯაოს წრიული დისკი ან მაერთკუთხა სახის. სპილენძის დისკის ერთ მხარეს განლაგდება ათივე კონფერენციისათვის დამახასიათებელი ბარელიეფი.

მედალზე იქნება „ლონდონის საერთაშორისო -სამეცნიერო კონფერენციის ლოგო და წარწერა, მეორე მხარეს იქნება საქართველოს გერბი.

დაჯილდოების ცერემონიაში მონაწილეობას მიიღებენ დელეგატებთან ერთად სკოლის დირექტორი და პედაგოგი, რომელიც კონფერენციის დელეგატებს ამზადებს.

მარიკა მიქაპარიძე

P.S. ქალბატონი ლიანა ჯიქია-გოგრიჭიანის საქმიანობა იმდენად მრავალმხრივი და მრავალფეროვანია, რომ გვიკვირს, ერთი ქალბატონი ამდენს როგორ ასწრებს და ახერხებს. მაგრამ იმდენად მობილიზებულია, რომ ეტყობა ძილშიც კი მამულზე ფიქრობს, რაც აძლიერებს, აძლებინებს, აკეთებინებს საშვილიშვილო საქმეებს- მაღლით, სიკეთით, სათნოებით დალდასმულს და სამშობლოსგან შორს, იქ უცხოეთში სანთელით ანთია, რომ რაც შეიძლება ბევრს გაუკვალოს, გაუნათოს გზა. ეს ნათელი კი ერთნაირად სწვდება იქაურსაც თუ აქაურსაც.

ქალბატონო ლიანა, გვეამაყებით, გვიხარია, რომ სენაკელი ხართ და „კოლხეთის“ თანამეინახე.

„კოლხეთი“

„სენაკი - არტფესტივალი 2023“



ასე გვგონია, თითქოს გუშინ იყო, სენაკში მუსიკალურ ფესტივალს რომ ჩაეყარა საფუძველი. არადა უკვე ათი წელი გასულა. დაფუძნებიდან ერთ წელიწადში მისი არეალი ისე განივრცო, რომ დღეს იგი რეგიონალური არტ ფესტივალის სახით გვევლინება. ქალბატონ რუსუდან მილიუტინის განმარტებით, ფესტივალის ამოცანა იმთავითვე იყო მოზარდი თაობისთვის შეეყვარებინა კლასიკური მუსიკა და მისთვის პოპულარიზაცია გაენია. უდაოა, რომ ფესტივალმა ამოცანას შესანიშნავად გაართვა თავი, რადგანაც მისი მასშტაბები არნახულად გაიზარდა და დღეს იგი მოიცავს სამეგრელო-ზემო სვანეთს, იმერეთს, გურიას, რაჭა-ლეჩხუმს, აღმოსავლეთსაც კი. ამ გადმოსახედიდან ღიმილით ვიხსენებ ფესტივალის დაარსებასთან დაკავშირებულ ათი წლის წინანდელ ისტორიას, დაკავშირებულს ბატონ ვალერიან შიუკაშვილთან, რომელმაც ფაქტობრივად განსაზღვრა აღნიშნული ფესტივალის ბედი – მოხდა დაუფერებელი რამ, ფაქტობრივად ვაკოს სტუმრობამ ჩვენთან, განაპირობა 2013 წელს ფესტივალის დაარსება - ამბობს ჩვენი რესპონდენტი.

რაც შეეხება წლებიდან სეზონს, სენაკის „არტ ფესტივალი- 2023“ 15 მაისს აკაკი ხორავას სახელობის სახელმწიფო პროფესიულ დრამატულ თეატრში, საზეიმოდ გაიხსნა. რომელიც სრულიად საქართველოს კათოლიკოს-პატრიარქის, ილია II-ის პატრონაჟითა და სენაკის მუნიციპალიტეტის მერიის მხარდაჭერით იმართება, გახსნეს ფესტივალის დამაარსებელმა და სამხატვრო ხელმძღვანელმა, მსოფლიოში აღიარებულმა პიანისტმა, პიანისტთა საერთაშორისო კონკურსების მრავალგზის ლაურეატმა, ხელოვნების აკადემიის რექტორმა, სენაკის საპატიო მოქალაქემ, ვალერიან შიუკაშვილმა და სენაკის მუნიციპალიტეტის ხელოვნების ცენტრის სამუსიკო სკოლის ხელმძღვანელმა, სენაკის საპატიო მოქალაქემ, ლვანლმოსილმა პედაგოგმა, რუსუდან მილიუტინმა. საიუბილეო თარიღისადმი მიძღვნილი, უწმინდესისა და უნეტარესის, ილია II-ის მილოცვა, ფესტივალის სტუმრებს, სენაკის საკათედრო ტაძრის წინამძღვარმა, დეკანოზმა იოანე კუპრეიშვილმა გააცნო. სენაკის მუსიკალური ფესტივალის დამაარსებელს, ვალერიან შიუკაშვილს, მის თითოეულ წევრსა და მონაწილეს, წარმატებები უსურვეს: სენაკის მუნიციპალიტეტის მერმა, ვახტანგ გადელიამ და საკრებულოს თავმჯდომარემ, საბა ოდიშარიამ. ხელოვნების აკადემიის საპატიო წევრის ნოდებითა და აკადემიის საპატიო სიგელებით დაჯილდოვდნენ: სამუსიკო და სახელოვნებო სკოლების ლვანლმოსილი ხელმძღვანელები და სამეგრელოს რეგიონის პედაგოგები, რომელთაც სამუსიკო სკოლებში 40 წელზე მეტი მუშაობის ხანგრძლივობა და სენაკის ფესტივალში ათი

წლის მანძილზე აქტიურად მონაწილეობის ისტორია აქვთ, ასევე ფესტივალის საორგანიზაციო ჯგუფის წევრები.

მაყურებლის წინაშე მუსიკალური ნომრებით წარდგინეს გასული წლების ფესტივალის ლაურეატები, ნიჭიერებით გამორჩეული ახალგაზრდა შემსრულებლები და გუნდები.

ფესტივალის ფარგლებში რეგიონის მასშტაბით მრავალფეროვანი პროგრამით წარმოდგენილი იყვნენ ზუგდიდის პირველი, მეორე და საგუნდო სამუსიკო სკოლები, ასევე ზუგდიდის მოსწავლე ახალგაზრდობის სასახლის მუსიკალურ-თეატრალური სტუდია „რიბი-რაბო“. აბაშის, ჩხოროწყუს, მარტვილის, ხობის, ფოთის სამუსიკო სკოლები.

სამტრედიის №2 და სოფლების: კულაშის, ტოლების, გომის, დიდი ჯიხაშის სამუსიკო სკოლები.

ქუთაისის პირველი, მეორე, მესამე, მეოთხე სამუსიკო სკოლებისა და მელიტონ ბალანჩივაძის სახელობის ცენტრალური სამუსიკო სასწავლებელი.

ვანის, ხონის, საჩხერის სამუსიკო სასწავლებლები და საჩხერის კულტურის ცენტრის მამია ხატელიშვილის სახელობის სტუდია.

წყალტუბოს სამუსიკო სკოლა და წყალტუბოს წმინდა გაბრიელ ეპისკოპოსის სასულიერო გიმნაზია.

ზესტაფონის რ. ლალიძის სახელობის სამუსიკო სკოლა და ელდარ შალამბერიძის სახელობის ხელოვნების სკოლა. ასევე ზესტაფონის კულტურისა და შემოქმედების ცენტრი „ჯავარდენი“.

ხარაგაულის, ჭიათურის მეორე, მესამე და ბაღდადის სამუსიკო სკოლები.

ონის სამუსიკო სკოლა, მესტიის მუნიციპალიტეტის სოფელ ჭუბერის ფოლკლორული ანსამბლი.

ლანჩხუთის, ჩოხატაურის, ოზურგეთისა და სუფსის სამუსიკო სკოლები.

ახალციხის, ხელვაჩაურის სამუსიკო სკოლები და თავისი მახინჯაურისა და ახალშენის ფილიალები,

ბათუმის რ. ლალიძის, ზ. ფალიაშვილის, მ.ბალანჩივაძის სახელობის სამუსიკო სკოლის თამარის დასახლების ფილიალი, ასევე ბათუმის მოსწავლე-ახალგაზრდობის სასახლე და ქობულეთის სამუსიკო სკოლა. თბილისიდან კი მე-14 სამუსიკო სკოლა

რაც შეეხება სენაკის ხელოვნების ცენტრის სამუსიკო სკოლას, ფესტივალში მისი 200-მდე მოსწავლე მონაწილეობდა.

საინტერესოა როგორი იყო მათი განწყობა? რა თქმა უნდა ამაღლებული. სამუსიკო სკოლებისა თუ შემოქმედებითი ჯგუფებისთვის ფესტივალში მონაწილეობა ხომ საპასუხისმგებლო და პრესტი-

ჟულია, კონკურსის მნიშვნელობა კი განუზომლად დიდი, ამას ისინი თავად ამბობენ და ცდილობენ ყოველ წელს მაქსიმალურად მომზადებული წარსდგენენ ჟიურის წინაშე. ცხადია ფესტივალი ხელს უწყობს კონკურსანტებისა თუ მათ პედაგოგების, საერთოდ სამუსიკო სკოლების დაახლოებასა და გამოცდილების გაზიარებას, რაც მთავარია, მოტივაციას უჩენს მოსწავლეებს, ამიტომაც ისინი ფესტივალთან ფესტივალამდე, მოლოდინის რეჟიმში არიან, ორიენტირებულნი სწავლასა და საშემსრულებლო ტექნიკის სრულყოფაზე, რათა კონკურსზე გამარჯვებები, წარმატებები, საკონკურსო ჯილდოების მოპოვებით გაიმყარონ.

აი, როგორია სიტყვებით გაცხადებული ემოციები:

დარეჯან ფაჩულია, სამუსიკო სკოლის პედაგოგი, სენაკის საპატიო მოქალაქე -, „ჩვენს ფესტივალს სენაკის ფესტივალის ლოგოთი მაისურზე ესტუმრნენ ზესტაფონის მუნიციპალიტეტიდან ნორჩი მუსიკოსები... (სიხარულის ცრემლი მომადგა თვალზე) ამაზე მეტი ჯილდო განა არსებობს ფესტივალის შეფასებისას... ბავშვებს და პედაგოგებს ასე რომ უყვართ სენაკის არტ ფესტივალი, ჩვენი მანქანის, ბატონ ვალერიან შიუკაშვილის დამსახურება“.

ნაზი ბერაია, ხობის მუნიციპალიტეტის კულტურულ-საგანმანათლებლო საზოგადოებრივი ცენტრის სამუსიკო სკოლის მენეჯერი- „ყოველ წელს პედაგოგები და მოსწავლეები განსაკუთრებულად ვემზადებით სენაკის არტ ფესტივალში მონაწილეობის მისაღებად. აღნიშნული ფესტივალი ჰაერით სჭირდება ჩვენს ბავშვებს, ის ერთგვარი სტიმულია იმისათვის რომ მათ გაუჩინდეთ მოტივაცია უკეთესად ისწავლონ, ეზიარონ გემოვნებიან მუსიკას.“

მადლობა ფესტივალის ორგანიზატორებს: ბატონ ვალერიან შიუკაშვილს, რუსუდან მილიუტინს, ყველას, ვინც ჩვენ ბავშვებს აძლევს საშუალებას გამოავლინონ თავიანთი შესაძლებლობები“.

მარიკა მიქაბერიძე - „ძალიან სასიამოვნო და ლამაზი სანახაობა გვაჩვენა საოცარმა მოცეკვავემ, სუბიშვილების ყოფილმა სოლისტმა თეა დარჩიამ. მან მაღალი პროფესიონალიზმით და საოცარი ინსცენირებით შეასრულა ნომრები ცეკვის სტუდია „თედასთან“ ერთად. არაჩვეულებრივი გარემო სუფევდა სცენაზე. საოცარი განათებით, ეფექტებითა და მუსიკით. შეუძლებელი იყო ამ ყველაფრისთვის გეყურებინა ემოციების გარეშე. დაუვინყარი შთაბეჭდილების ქვეშ მყოფმა მაყურებელმა დიდი ოვაციები გაუმართა მოცეკვავეს.... მართლაც, რომ არასოდეს დამავინწყდება ეს დღე-სასანაული სენაკის თეატრის სცენაზე“.

სენაკის არტ-ფესტივალის დიდი ხიბლი მასში საქართველოსა და მის ფარგლებს გარეთ ცნობილი ქართველი და უცხოელი მუსიკოს-შემსრულებელთა მონაწილეობაა, რომლებიც აკაკი ხორავას სახელობის სახელმწიფო დრამატულ თეატრში ყოველდღიურად მართავდნენ შემოქმედებით საღამოებს.

16 მაისს გამორჩეული ქართველი მომღერლების - ნატო მეტონიძისა და ლიზა ბაგრატიონის კონცერტი გაიმართა. სცენაზე ყველასათვის საყვარელი ქართული მელოდიები აჟღერდა. მომღერლებმა ასევე გაიხსენეს სასცენო მოღვაწეობის საინტერესო ეპიზოდები და ფესტივალის სამახსოვრო ბანერზე დატოვეს ავტოგრაფები.

17 მაისს კლასიკური მუსიკის საღამო გაიმართა. საზოგადოების წინაშე წარდგინენ ფესტივალის დამაარსებელი და სამხატვრო ხელმძღვანელი, პიანისტა საერთაშორისო კონკურსების მრავალგზის ლაურეატი, ხელოვნების აკადემიის რექტორი,

სენაკის საპატიო მოქალაქე, ვალერიან შიუკაშვილი და ავსტრიელი პიანისტი, მოცარტის VIII საერთაშორისო კონკურსის გრან-პრის მფლობელი, გაბრიელ ტრიტრემელი.

19 მაისს მანანა დოიჯაშვილის სახელობის საქართველოს მუსიკოს-შემსრულებელთა მერვე კონკურსის გამარჯვებულთა კონცერტი ჩატარდა.

21 მაისს სუბიშვილების პრიმა მოცეკვავემ და სოლისტმა, თეა დარჩიამ, ცეკვის სტუდია „თედასთან“ ერთად, შეხვედრა-კონცერტი გამართა.

22 მაისს მაყურებელთა წინაშე საქართველოსა და მის ფარგლებს გარეთ, კლასიკური და ფოლკლორული ჟანრის სიმღერებისა და კომპოზიციების შესრულებით საყოველთაოდ ცნობილი რუსთავის კაპელა წარსდგა, გუნდის ხელმძღვანელი და მთავარ დირიჟორი თამარ ბუაძე

23 მაისს ხელოვნების ცენტრის სამუსიკო სკოლის სულხან ცინცაძის სახელობის საკონცერტო დარბაზში, თბილისის სახელმწიფო კონსერვატორიის ასოცირებულმა პროფესორმა, თამარ ბულიამ, მასტერკლასი ჩაატარა. შეხვედრაზე მან ისაუბრა მუსიკალური ხელოვნების ნიუანსებსა და საკუთარ პედაგოგიურ გამოცდილებაზე.

24 მაისს კი ხელოვნების ცენტრის სამუსიკო სკოლის სულხან ცინცაძის სახელობის საკონცერტო დარბაზში, მსმენელებს შესაძლებლობა ჰქონდათ ხელოვნების დამსახურებული მოღვაწის, ბათუმის კონსერვატორიის ასოცირებული პროფესორისა და მუსიკის დოქტორისათვის ირინა ხერყისათვის მოესმინა.

25 მაისს „სენაკი არტ-ფესტი 2023“, აკაკი ხორავას სახელობის პროფესიულ სახელმწიფო დრამატულ თეატრში, გალაკონცერტით საზეიმოდ დაიხურა. მაყურებლის წინაშე სენაკის მეათე მუსიკალური ფესტივალის წარმატებული მონაწილეები წარდგნენ. დასკვნით საღამოს ცნობილი მსახიობები - თათული ედიშერაშვილი და თამარ ნიკოლაძე უძღვებოდნენ. ლაურეატთა და დიპლომანტთა დაჯილდოებას და ფესტივალის საზეიმოდ დახურვას სენაკის მუნიციპალიტეტის ადგილობრივი ხელისუფლების წარმომადგენლებთან ერთად მუსიკალური სფეროსა და საზოგადოების წარმომადგენლები დაესწრნენ. მუსიკალური ფესტივალის საპატიო დიპლომები გადაეცათ სენაკის მუნიციპალიტეტის მერს, ვახტანგ გადელიას, საკრებულოს თავმჯდომარეს, საბა ოდიშარიას, მერის მოადგილეს, ლევან ელიავას, მერიის განათლების, კულტურის, სპორტისა და ახალგაზრდობის სამსახურის უფროსს, გივი მისაბიშვილს, ხელოვნების ცენტრის დირექტორს, ვეფხვია ვეფხვაძეს. ფესტივალის ჟიურიმ, ვალერიან შიუკაშვილის ხელმძღვანელობით, მოუსმინა საქართველოს მასშტაბით, 50-მდე სამუსიკო და სახელოვნებო სკოლის 3 000-ზე მეტ მოსწავლეს. მათგან ლაურეატის ნოდება მიენიჭა - 100-ზე მეტ წარმატებულ შემსრულებელს, გუნდსა და შემოქმედებით ჯგუფს; 2000-მდე მონაწილე - საპატიო დიპლომით, ხოლო 700-ზე მეტი - სიგელით დაჯილდოვდა. საღამო ავთანდილ გოგოტიშვილის სახელობის სენაკის ხელოვნების ცენტრის სამუსიკო სკოლის გაერთიანებულმა გუნდმა, ფესტივალის ჰიმნად ქცეული ვაჟა აზარაშვილის „მუსიკით“, დაასრულა.

აღსანიშნავია ის გარემოება, რომ სენაკის მუნიციპალიტეტის ხელმძღვანელობამ მომავალშიც ფესტივალს აქტიური მხარდაჭერა აღუთქვა.



კიდევ ერთი წარმატებული, ნაყოფიერი წელი მონიშნა სენაკის არტ ფესტივალმა თავის კალენდარზე. მან უკვე თავისი ხელწერა, თავის ტრადიცია დაამკვიდრა. ეს კი მუნიციპალიტეტს განსხვავებულ ფუნქციას ანიჭებს, მაისის ეს ათი დღე მსმენელებისა თუ მონაწილეებისთვის ხელოვნებასთან წილნაყარი დღეები იყო სიურპრიზებითა და ფასეულობებით დატვირთული.

ვულოცავთ ფესტივალის ორგანიზატორებს, მონაწილეებს, კლასიკური მუსიკის თავყვანისმცემლებს, ყველას ფესტივალის საიუბილეო 10 წლის-თავს და ვუსურვებთ შემოქმედებით წინსვლას.

ბაჩანა სარტიანია,
მანა გერგაია

ერთი ოჯახის ისტორია



დაუვინყარი, შთაბეჭედავი და საინტერესო იყო 17 მაისს სენაკის შიშული შარტავას სახელობის მხარეთმცოდნეობის მუზეუმში გამართული ღონისძიება რუბრიკით „ერთი ოჯახის ისტორია“. დამსწრე საზოგადოებას მისასალმებელი სიტყვით მიმართა შიშული შარტავას სახელობის სენაკის მხარეთმცოდნეობის მუზეუმის სპეციალისტმა, დამირ კუჭავამ და წარუდგინა სამეგრელოს თავად კონსტანტინეს და მათი დადიანების შთამომავალი, სენაკის საპატრიარქო მოქალაქე, ექიმი, საზოგადო მოღვაწე, პაატა ქურდოვანიძე.

ბატონმა პაატამ მეტად საინტერესოდ და ამომწურავად ისაუბრა დიდი წინაპრების ისტორიაზე, კონკრეტულად კი სამეგრელოს თავად კონსტანტინე და მათი დადიანების შვილის, ბატონიშვილ გრიგოლ დადიანის შესახებ. რაინდულ ტრადიციებზე აღზრდილმა, დედის წინააღმდეგობის მიუხედავად როგორ იქორწინა სათნოებთა და სილამაზით განთქმული ოლა დადიანზე (10 შვილის აღმზრდელი დედა - შემდგომში თეკლათის მონასტრის ილუმენია ელეონორა).

დედამ, კნინა მათი, მართალია, უფროს ვაჟს უმამობა არ აგრძობინა და საკადრისი ქორნილიც გადაუხადა, მაგრამ ურჩობისათვის დასაჯა. განუცხადა - ცალკე დასახლებულიყო მისთვის განკუთვნილ ხორშის მამულში, საგამზრდელში, თავად ჩიჩუათა სამოსახლოსთან ახლოს (იმ ადგილს დღესაც „დებოორეს“ უწოდებენ).

მამა, კონსტანტინე ბატონიშვილს იმ დროს შესაფერისი აღზრდა-განათლება ჰქონდა მიღებული. ახალგაზრდობიდანვე სამხედრო სამსახურში მყოფი პენსიაზე გენერალ-ლეიტენანტის ჩინით გავიდა. კავკასიის ომების მონაწილე, დაჭრილიც არაერთხელ ყოფილა. ფლობდა იმპერიის უმაღლეს ჯილდოებს. მოვლილი ჰქონდა ევროპის ქვეყნები, პეტერბურგშიც ხშირად უხდებოდა ცხოვრება.

უფროსი ძმის - დავითის გარდაცვალების შემდეგ ბატონიშვილი კონსტანტინე მხარში ამოუდგა რძალს - მთავრინა ეკატერინეს.

კონსტანტინე დადიანის ღირსეული თანამეცხედრე მათა (მარიამ) ბატონიშვილიც დადიანთა სამთავრო ოჯახის წევრი იყო. მეუღლისაგან განსხვავებით, მან მთელი ცხოვრება ხიბულაში, საკუთარი გემოვნებით აგებულ სასახლეში გაატარა და იშვიათ შემთხვევაში თუ ტოვებდა იქაურობას.

გრიგოლს დედა ოჯახის შექმნამდეც განაწყენებული ჰყავდა, რადგან მამისა და უმცროსი ძმისგან განსხვავებით, გიმნაზიის დასრულების შემდეგ სწავლის გაგრძელებაზე უარი თქვა და არც სახმედრო სამსახურში ისურვა ყოფნა. თავისუფალი კაცი გახლდათ, მოსწონდა ყველაფერი ტრადიციული და მამა-პაპური, ღირსებით ატარებდა მთავრის

შვილიშვილობის პატივს... ღვინი, პოეტური გაბაასება მისთვის უცხო არ გახლდათ. ბოჰემურ ცხოვრებას აყოლილი არაერთგზის გაკიცხა დედამ, მაგრამ შვილი იმპერატორის ოფიციალურ სამსახურში ჩადგომაზე ვერაფრით დაითანხმა...

უფროს ბიძაშვილთან, ნიკო მინგრელსკისთან ერთად გრიგომაც გარკვეული წვლილი შეიტანა მთავრობის რუსიფიკატორული განზრახვის - სამეგრელოს სამრევლო სკოლებში ქართულის ნაცვლად მეგრულის შემოღების ჩაშლაში.

ბატონიშვილი არ ესწრაფოდა უმაღლეს ოფიციალურ წრეებთან ურთიერთობას და ამრეზით უყურებდა იმ „სიკეთებს“, რუსეთის ტახტის სამსახური რომ სთავაზობდა. ზნემაღალ და სხვა უამრავ ღირსებათა მქონეს საზოგადოება ემადლიერებოდა და გლეხობასაც უყვარდა.

ხორშის სასახლე იმდროინდელი სამეგრელოს ერთგვარ კულტურულ ცენტრად იქცა. ოლღამ სულიერ მოძღვრად მღვდელი ხარიტონ ძიძავა აირჩია, შემდეგ კი - ან წმინდანად შერაცხული ალექსი შუშანია. გრიგო ბატონიშვილის სულიერი მოძღვარიც წმინდა ალექსი ყოფილა. გრიგო ბატონიშვილი, თუ ქალბატონი ლოცვად იდგა, რაგინდ ნაღვინევი ყოფილიყო, მეუღლის საწოლ ოთახში ფეხს არ შედგამდა. ხან კი ხუმრობანარევი ღიმილით იტყოდა: - ციცუს ოჯახში მხოლოდ ჩემი სიცოცხლე აჩერებს, თორემ როგორც კი მოვკვდები, იმ დღესვე მონაზვნად აღიკვეცებო... მართლაც, 1913 წელს 47 წლის საღსალამაით გრიგოლ დადიანის უცვრად გარდაცვალების შემდეგ ოლა თეკლათის მონასტერში ელეონორას სახელით აღიკვეცა მონაზვნად...

განსაკუთრებით საინტერესო იყო უფროსი თაობის წინაპრებისგან მოსმენილი ისტორიები, რომელიც ცხადყოფდა, რომ გრიგოლ დადიანის ოჯახი გლეხობის მხრიდან სიყვარულით სარგებლობდა. გიორგის სახით გლეხი მფარველს პოულობდა.

ბატონმა პაატამ წარმოადგინა უნიკალური ფოტოარქივი.

შეხვედრას სენაკის მოსწავლე-ახალგაზრდობისა და კულტურის ცენტრის დირექტორი, ბადრი ქუთელია, დირექტორის მოადგილე, ნათია ეჯიბია, მონვეული სტუმრები და თვითმმართველობის წარმომადგენლები ესწრებოდნენ.

ამ ღონისძიებას სოციალურ ქსელში დიდი გამოხმაურება ჰპოვა, გთავაზობთ ამონარიდს ერთ-ერთი პოსტიდან:

„საინტერესოდ მოთხრობილი სამეგრელოს მთავართა - დადიანთა შთამომავლების, სოფელ ხორში აღზრდილთა ცხოვრების ისტორიები, ფოტოები, პირადი მიმონერები იმდენად შთაბეჭედავი იყო, გული მწყდება, რომ არც ისე ბევრი იყავით მსმენელები...ალბათ კარგი იქნება, ბატონი პაატას მიერ მოთხრობილი უაღრესად საინტერესო ისტორიული ამბები პირველ რიგში ახალგაზრდებმა მოისმინონ და გაიგონ როგორი ხალხი ცხოვრობდა ჩვენს კუთხეში, რა ღირებულებებით და რა ცხოვრების წესებით ცხოვრობდნენ. მადლობა ბატონ პაატა ქურდოვანიძეს და ორგანიზატორებს შესანიშნავი ღონისძიებისთვის (ციცილიო ყურაშვილი)“.

მ. შონია

მსბავსი ბავშვთა მნიშვნელობა დიდი

ყოფილი შარტავას მუზეუმი და მისივე სახელობის მხარეთმცოდნეობის მუზეუმები დიდი ენთუზიაზმით გამოეხმაურნენ ამალეების დღესასწაულსა და საქართველოს დამოუკიდებლობის დღეს. ამასთან დაკავშირებით წმინდა ალექსი ბერის სახელობის სასულიერო სკოლა-გიმნაზიის მოსწავლეებისთვის ისტორიკოსმა გია ჯალალონიამ, მწერალმა და პუბლიცისტმა ბორის დავითაიამ ჩაატარეს გაკვეთილი. ღონისძიება გახსნა ბატონმა დამირ კუჭავამ. მომხსენებელთა საინტერესო გამოხსენებმა, დეტალიზებული ინფორმაციებმა დამოუკიდებლობის დღესთან

დაკავშირებით, ჩვენი ქალქის წარსულზე, ანწყოსა და მომავალზე საყურადღებო ფაქტებმა და მსჯელობებმა დააინტერესა მოსწავლეები, ისინი განიმსჯელებდნენ მონივნებით ჩვენი ქვეყნისა და მათ შორის მუნიციპალიტეტის ისტორიისადმი.

ყოფილი შარტავას მუზეუმის სპეციალისტმა, ქალბატონმა მარინე აბრამიამ აღნიშნა, რომ ასეთი საუბრები დიდ მოტივაციას უჩენს ახალგაზრდებს და რომ მსგავსი გაკვეთილების მნიშვნელობა დიდია. საინტერესო საუბრისათვის გამომსვლელებს მადლობა გადაუხადეს მოსწავლე ახალგაზრდობის ცენტრის სპეციალისტებმა:

ნათო საჯარო სენაკის ა(ა)იპ მოსწავლე-ახალგაზრდობისა და კულტურის ცენტრის სპეციალისტი

საბიბლიოთეკო კვირეული

ბიბლიოთეკა (ბერძნული სიტყვაა და ნიშნავს წიგნის საცავს) კულტურულ-საგანმანათლებლო და დამხმარე სამეცნიერო დაწესებულებაა, ბეჭდვით ნაწარმოებთა საზოგადოებრივი სარგებლობის ორგანიზატორი. სისტემატურად კრებს ბეჭდვით ნაწარმოებებს, იცავს მათ, უწევს პროპაგანდას და გაცემს მკითხველებზე, ატარებს აგრეთვე საინფორმაციო-ბიბლიოგრაფიულ მუშაობას. საქართველოში ბიბლიოთეკების ისტორია უკავშირდება მონასტრების საქმიანობას. ეკ-



ბიბლიოთეკის სპეციალისტი, ქალბატონი ლუიზა კემულარია უძღვებოდა. ბიბლიოთეკარებთან ერთად ღონისძიებაში მონაწილეობას აქტიური მკითხველები და მოსწავლე-ახალგაზრდები ღებულობდნენ. ღონისძიებას მუსიკალურად

სტუდენტებს, მოსწავლე-ახალგაზრდობას. ამჟამად ჩვენი მუნიციპალიტეტის სივრცეში 17 ბიბლიოთეკაა: საჯარო, საბავშვო და 15 სასოფლო ბიბლიოთეკა.

საჯარო ბიბლიოთეკაში მუშაობენ: სპეციალისტები; იამზე გვასალია, ირინა ნეჩაევა; ბიბლიოთეკარები: ნაზი ჯოჯუა, ფლორა ვახანი, ნაირა ფოფხაძე; ბიბლიოგრაფი იამზე ჯიმიელი; მხატვარ-გამფორმებელი ლეილა სოსელია.

საბიბლიოთეკო კვირეული წარმოაჩენს ბიბლიოთეკების პრობლემებს, მიღწევებსა და მისწრაფებებს, ღია დიალოგის გზით დასახავს მათი პოტენციალის, ოპტიმალური გამოყენების გზებს.

კვირეულთან დაკავშირებით როგორც საჯარო ბიბლიოთეკაში, ასევე ყველა ადმინისტრაციული ერთეულის ბიბლიოთეკაში დაიგეგმა სხვადასხვა ღონისძიებები.

საბიბლიოთეკო კვირეულის ფარგლებში, ახალსოფლის, ვემო ჭალადიდის, ნოქალაქევის, გეჯეთის, მენჯის, ნოსორის, ფოცხოს, ძველი სენაკის და ზანის ბიბლიოთეკებში გაიმართა სხვადასხვა სახის ღონისძიებები და აქტივობები. მსგავსი ღონისძიებები ხელს უწყობს როგორც მოსახლეობის, ასევე მოსწავლე-ახალგაზრდობის წიგნიერების დონის ამაღლებას

15 მაისს საჯარო ბიბლიოთეკაში საზეიმოდ დაიხურა საბიბლიოთეკო კვირეული. სენაკის მოსწავლე-ახალგაზრდობისა და კულტურის ცენტრის დირექტორმა, ბადრი ქუთელიამ, მადლობა გადაუხადა ბიბლიოთეკარებს ფასდაუდებელი საქმიანობისათვის, გადასცა მათ სიგელები, ასევე მადლობა გადაუხადა ღონისძიებაში მონაწილე ნორჩ და აქტიურ მკითხველებს.

მ. ჭუბაბრი



ლესია-მონასტრების დაარსებისთანავე დაიწყო წიგნსაცავის შექმნაზე ზრუნვა. ყველა ეკლესია-მონასტერს თავისი წიგნსაცავი ჰქონდა. ბიბლიოთეკებს ძირითადად შემონიშნული წიგნები შეადგენდნენ. X საუკუნეში უკვე მონესრიგებული ჩანს წიგნების დაცვის, სარგებლობისა და აღწესება-აღწერის საქმე. წიგნით სარგებლობა მხოლოდ საცავში შეიძლებოდა. დიდ კულტურულ-სამწიგნობრო ცენტრებს, რომლებიც გრიგოლ ხანძთელის თაოსნობით VIII-IX საუკუნეებში ტაო-კლარჯეთში შეიქმნა, თავისი ბიბლიოთეკა ჰქონდა.

საქართველოში ყოველი წლის 30 აპრილს აღინიშნება ბიბლიოთეკარის დღე. ამ დღესთან დაკავშირებით ტრადიციულად მთელი ქვეყნის მასშტაბით იმართება საბიბლიოთეკო კვირეული.

საბიბლიოთეკო კვირეული, რომელიც საქართველოს საბიბლიოთეკო ასოციაციის ინიციატივით 2002 წლიდან იმართება, 3 მაისს საჯარო ბიბლიოთეკაში ჩატარებული ღონისძიებით გაიხსნა რომელსაც

აფორმებდნენ ნაირა ფოფხაძე, ბიჭუნა თუნთია და თემურ ცხაკაია. მოეწყო თემატური გამოფენა „30 აპრილი ბიბლიოთეკარის დღე“.

ღონისძიებას სენაკის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის პირველი კატეგორიის უფროსი სპეციალისტი, ირმა კუპრევილი, მოსწავლე-ახალგაზრდობისა და კულტურის ცენტრის დირექტორი, ბადრი ქუთელია, დირექტორის მოადგილე, ნათია ეჯიბია და საზოგადოების წარმომადგენლები ესწრებოდნენ, საპატიო სტუმრის სტატუსით ბიბლიოთეკის ყოფილი დირექტორი ქალბატონი ციური ხორავა.

ბიბლიოთეკის დღესთან დაკავშირებით საჯარო ბიბლიოთეკის თანამშრომლები და სოფლის ბიბლიოთეკარები დაჯილდოვდნენ ფასიანი საჩუქრებით.

ლუიზა კემულარია - „100 წელი მეთა ჩვენი ბიბლიოთეკა ემსახურება ჩვენი მუნიციპალიტეტის მოსახლეობას,

სარედაქციო ადრესი მთავარი რედაქტორი ნინო სარტანიანი რედაქტორი მელა ბალათორანი კორექტორები: მანა გვრიტიანი, მარინა მიაბარინიძე ეკონომიკური სამსახურის სპეციალისტი ჭალიბა ჩაჩიბანი	რედაქციის მისამართი: სენაკი, ჭავჭავაძის ქ. №103, ტელ: 276150 რედაქცია ხელმძღვანელობს თაყაიშვილი ზრინოსი, არ გამოხატავს პოლიტიკური და საზოგადოებრივი ორგანიზაციის იტარებას. ინტელის 66529	რეგისტრირებულია სენაკის სასამართლოში რეგისტრაციის №56/7-17 გაზეთი ავტორიტარული ანგო, დაახლოვდა და ოფსეტური წესით დაიბეჭდა შპს „ბოლი 26“ ქ. ქათამისი, ილია ჭავჭავაძის გამზ. 33 ტელ: 223779, 223711, 223499
--	---	---